

Broj: 1397 /17  
Datum: 18.12.2017.

**Predmet: Poziv za upis u program Diploma u islamskim naukama 2018.**

Poštovana/poštovani,

Fakultet islamskih nauka u Sarajevu ima zadovoljstvo obavijestiti Vas o 16. ciklusu tromjesečnog akademskog programa pod nazivom *Diploma u islamskim naukama*. Ovaj program osmišljen je tako da zainteresiranim osobama koje nisu prošle formalno islamsko obrazovanje ponudi pregled islamskoga učenja i njegove interpretacije. Koncipiran je kao uvod u pregled islamske doktrine, prava i etike, historije i kulture s posebnim osvrtom na Bosnu i Hercegovinu. Program sadrži sedam modula i uključuje 72 sata nastave. Moduli su organizirani u dva predmeta: *Opći uvod u islam* (Kratak pregled historije islama; Uvod u islamsku doktrinu; Islamski sveti tekstovi; Islamsko pravo i etika) i *Islam u Bosni i Hercegovini* (Islamska kultura u BiH; Islamske institucije u BiH; Savremeno islamsko mišljenje u BiH).

Nastava se održava dva puta sedmično (utorkom i četvrtkom) od 18:00 do 20.35h na Fakultetu islamskih nauka. Program uključuje obilazak institucija Islamske zajednice u Sarajevu. Svim učesnicima koji uspješno završe program, Fakultet islamskih nauka dodijelit će certifikat. Cijena programa na bosanskom jeziku, u koju su uračunati i nastavni materijali u elektronskom obliku, iznosi 500,00 KM.

S obzirom na to da održavanje programa zavisi od broja kandidata, molimo Vas da ovaj poziv prosljedite uposlenicima/saradnicima u Vašoj instituciji, te prijateljima i poznanicima koji bi mogli biti zainteresirani za ovakvu vrstu dodatnog obrazovanja. Svi oni koji dovedu drugog kandidata na Program biće nagrađeni vrijednom knjigom.

Ukoliko se odlučite za pohađanje ovoga programa, popunjene prijavne obrasce trebate dostaviti na adresu: Fakultet islamskih nauka u Sarajevu, Čemerlina 54, 71000 Sarajevo, putem faks-a: +387 33 251 044 ili e-maila: [diploma@fin.unsa.ba](mailto:diploma@fin.unsa.ba) najkasnije do petka, **19. januara 2018.** (Prijavni obrazac dostupan je na web stranici Fakulteta islamskih nauka u Sarajevu [www.fin.unsa.ba](http://www.fin.unsa.ba)). Kandidati koji budu primljeni bit će obaviješteni u ponedjeljak, 22. januara 2018. godine. Primljeni kandidati trebaju, najkasnije do srijede, 24. januara 2018. izmiriti troškove upisa na račun: Rijaset islamske zajednice, 1602005500015065, Vakufska banka d.d. s naznakom 'Diploma u islamskim naukama'.

Program će početi u utorak, 30. januara 2018. u 18,00 sati održavanjem prvog predavanja. Okončanje programa predviđeno je za početak maja 2018. godine.

U prilogu Vam šaljemo prijavni obrazac i prospekt programa. Za detaljnije informacije molimo Vas kontaktirajte koordinatoricu projekta dr. Aminu Arnautović na tel: 033 251 036 ili putem e-maila: [diploma@fin.unsa.ba](mailto:diploma@fin.unsa.ba).

S poštovanjem,

doc. dr. Asim Zubčević  
Direktor programa